

ZAVOD 20
PC 21.02.2020.

Bosna i Hercegovina
Federacija Bosne i Hercegovine
KANTON SARAJEVO
Vlada



Босна и Херцеговина
Федерација Босне и Херцеговине
КАНТОН САРАЈЕВО
Влада

Bosnia and Herzegovina
Federation of Bosnia and Herzegovina
CANTON SARAJEVO **ZAVOD ZA PLANIRANJE RAZVOJA KANTONA SARAJEVO**
Government

Broj: 02-04-2751-11.1/20
Sarajevo, 06.02.2020. godine

PRIMLJENO:			
Organizaciona jedinica	Klasifikaciona oznaka	Broj akta	Broj priloga
05	23	608/20-1	.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst, 37/14 – Ispravka), a uvezi sa članom 27. stav (2) i članom 18. stavovi (1), (2), (3), (4) i (5) Zakona o razvojnem planiranju i upravljanju razvojem u Federacije Bosne i Hercegovine ("Službene novine Federacije BiH", broj 32/17) i članom 9. stav (2) Uredbe o Izradi strateških dokumenata u Federaciji Bosne i Hercegovine („Službene novine Federacije BiH“, br. 74/19) (u daljem tekstu Uredba), Vlada Kantona Sarajevo na 57. sjednici održanoj **06.02.2020.** godine, donijela je

ODLUKU O IZRADI STRATEGIJE RAZVOJA KANTONA SARAJEVO 2021-2027.

I

- (1) Pokreće se proces izrade Strategije razvoja Kantona Sarajevo 2021 – 2027. (u daljem tekstu: Strategija razvoja KS).
- (2) Strategija razvoja KS je integrirani multisektorski strateški dokument Kantona Sarajevo (u daljem tekstu: Kanton) koji definira javne politike, usmjerava razvoj teritorije Kantona i jedinica lokalne samouprave i zacrtanim strateškim ciljevima i prioritetima i predstavlja putokaz za sveukupni razvoj.

II

U procesu izrade Strategije razvoja KS primjenjivati će se načela razvojnog planiranja i upravljanja razvojem iz člana 8. Zakona o razvojnem planiranju i upravljanju razvojem u Federaciji Bosne i Hercegovine.

III

Strategija razvoja KS sadržavat će i prioritete i razvojne pravce definirane u relevantnim strateškim dokumentima Federacije Bosne i Hercegovine, dokumentima relevantnim za proces evropskih integracija i drugim međunarodno preuzetim obavezama Bosne i Hercegovine, uključujući i Agendum 2030 koju je donijela Generalna skupština UN-a, kao i Okvir ciljeva održivog razvoja Bosne i Hercegovine.

IV

- (1) Nosilac izrade Strategije razvoja KS je Zavod za planiranje razvoja Kantona Sarajevo (u daljem tekstu: Zavod).
- (2) Učesnici u izradi Strategije su nadležni organi uprave Kantona, Grada i općina, javna preduzeća iz oblasti privrede i javna komunalna preduzeća, pravna lica nadležna za vodoprivredu, šumarstvo, poljoprivredu, saobraćaj, energetiku, rудarstvo, turizam, zdravstvo, obrazovanje, kulturu, zaštitu kulturno-historijskog i prirodnog naslijeđa, zaštitu okoliša, organi nadležni za odbranu, privredne komore, društva i druga pravna lica nadležna za

komunalne djelatnosti, predstavnici vjerskih zajednica, vlasnici i korisnici nekretnina i svi drugi subjekti koji iskažu svoj interes za uključivanje određenih oblasti u proces izrade Strategije.

Nosilac izrade Strategije razvoja KS će, kod izrade, angažovati naučne institucije (Akademiju nauka BiH, fakultete i institute), kao i pojedince, koji su priznati stručnjaci iz raznih oblasti koje se budu obradivale kroz izradu Strategije razvoja KS.

- (3) Zavod će, primjenom otvorenog metoda koordinacije i poštujući princip horizontalne i vertikalne koordinacije, formirati radna tijela za učešće u izradi strategije, kojim se osigurava uključivanje učesnika iz stava (2) ove tačke u svim fazama procesa izrade Strategije razvoja KS.
- (4) Radno tijelo iz stava (3) ove tačke imenuje Vlada KS na prijedlog Zavoda.

V

Proces izrade Strategije razvoja KS odvijat će se po sljedećim fazama:

- a) Izrada strateške platforme koja obuhvata određivanje vizije razvoja i strateških ciljeva;
- b) Određivanje prioriteta i mjera;
- c) Identifikacije strateških projekata;
- d) Provjera međusobne usklađenosti strateških dokumenata sa razvojnim dokumentima viših nivoa;
- e) Izrada indikativnog finansijskog okvira za implementaciju strateških dokumenata;
- f) Definiranje načina implementacije, praćenja, izvještavanja i evaluacije strateških dokumenata;
- g) Usvajanje strateških dokumenata uz prethodno provođenje procesa konsultacija.

VI

- (1) Strategija razvoja KS je osnovni dokument za izradu sektorskih strategija, programa rada Vlade KS za mandatni period, trogodišnjeg plana rada kantonalnih organa uprave, godišnjeg plana rada Vlade KS, dokumenta okvirnog budžeta (DOB), godišnjeg budžeta i programa javnih investicija (član 18. stav (2) Zakona).
- (2) Strategija razvoja KS predstavlja podlogu za uskladivanje i izradu strategija razvoja jedinica lokalne samouprave u Kantonu.

VII

- (1) Rok za izradu Strategije razvoja KS je 12 mjeseci od dana od stupanja na snagu ove Odluke.
- (2) Utvrđuju se rokovi za pripremu i izradu Strategije razvoja KS kako slijedi:
 - Donošenje Odluke o pristupanju izradi Strategije razvoja KS
Rok: februar 2020. godine
 - Osnivanje operativnih i konsultativnih tijela za planiranje (pripremna faza)
Rok: 15. mart 2020. godine
 - Izrada Strateške platforme Strategije razvoja KS
Rok: maj 2020. godine
 - Izrada programskog dijela Strategije razvoja KS
Rok: juni/juli 2020. godine
 - Izrada operativnog dijela Strategije razvoja KS
Rok: august 2020. godine
 - Podnošenje Nacrta Strategije razvoja KS Vladi KS na razmatranje i usvajanje
Rok: septembar 2020.
 - Usvajanje Strategije razvoja KS na Skupštini KS
Rok: decembar 2020.
- (3) Ukupna sredstva potrebna za izradu Strategije razvoja KS iznose 50.000 KM, obezbijedit će se iz Budžeta KS za 2020. godinu.

VIII

Ova Odluka stupa na snagu narednog dana od dana objavljivanja u "Službenim novinama Kantona Sarajevo".



Dostaviti:

1. Predsjedavajući Skupštine Kantona Sarajevo
2. Zamjenica predsjedavajućeg Skupštine Kantona Sarajevo, gđa. Danijela Kristić
3. Premijer Kantona Sarajevo
4. Ministarstva (x 12)
5. Službe Kantona Sarajevo (x 9)
6. Zavodi (x 5)
7. Uprave (x 2)
8. Fondovi (x 4)
9. Kantonalna agencija za privatizaciju
10. Privredna komora Kantona Sarajevo
11. Sarajevska regionalna razvojna agencija (SERDA)
12. Za objavu u "Službenim novinama Kantona Sarajevo"
13. Evidencija
14. Arhiva



web: <http://vlada.ks.gov.ba>

e-mail: ssv@ssv.ks.gov.ba

Tel: + 387 (0) 33 562-068, 562-070

Fax: + 387 (0) 33 562-211

Sarajevo, Reisa Džemaludina Čauševića 1



